



江蘇省地方志編纂委員會辦公室編

江蘇歷代方志全書

3



江蘇省地方志編纂委員會辦公室編



鳳凰出版社

江蘇歷代方志全書

3

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書·蘇州府部 / 江蘇省地方志編纂
委員會辦公室編. -- 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194毫米 1/16
印 張 3253. 25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200. 00圓(全九十九冊)
(本書凡印裝錯誤可向承印廠調換, 電話: 0514-87969255)

洪武蘇州府志（二）

（明）盧熊撰



第三冊目錄

洪武蘇州府志（二）

.....

〇〇一

蘇州府志卷第七

郡人 盧熊 輯

園第

郡内外有邸第園池者所以載荷人居止遊衍之地也士大夫之家于樂上或窮奇覽勝以紓豫其懷亦人之常情哉故因其舊蹟遺址皆宜附錄焉使後人覽之則知此為某官之邸第彼為某氏之園池非獨可究其當時之出處而歲代久近子孫与廢者從可徵焉

顧辟彊園按晉書王猷之入會稽經吳郡聞顧辟彊有名園光不相識乘平肩輿徑入時辟彊勃然數之曰傲主人非礼也以貴驕人弗道也夫是二者不足齒命蒼頭便馳出獻之傲然都不屑意昔人題詠甚多太白詩竹暗辟彊



園陸羽詩碑彊舊名園怪石絲相向又見皮陸集蓋池館
林泉之勝當時號吳中第一

唐任晦園池晦嘗為涇尉歸吳竹園地才數畝有深林曲
沼危亭幽砌陸龜蒙詩吳之辟彊園在苒勝槩敵不如佳
景在盡付任君宅疑即辟彊故居也見松陵集云

徐修矩宅松陵集云吳士思王府叅軍徐修矩承家介潔
守世書萬卷優游自適有潮田五萬步草屋十數間皮日
休嘗就借嘗以讀作詩留贈陸魯望和之

顏家林園見皮陸詩

陸山人樓亭見儲光羲詩廣異記云蘇州山人陸去奢亭
子即宋徵君戴顒宅

凌處士莊見韋莊詩集

韋承總幽居孟東野有題韋承總吳王長城下幽居詩

屈突明府廳李太白有對酒醉題屈突明府廳詩其人以
建昌宰休官吳中

李使君宅唐李嘉祐罷袁州刺史居此僧皎然有酬李員
外使君嘉祐蘇臺屏居春首有懷詩

孫園唐越州刺史元微之寄白樂天詩云孫園虎寺隨宜
看不必遙：羨鏡湖

東莊

九國志
云東聖

南園皆廣陵王元璩帥吳時其子衙前指揮

使文奉所經經營三十年極園地之賞奇卉異木及其身
見皆成合抱又累土為山亦成巖谷晚年經度不已每燕
集其間任客所適文奉跨白驃披鶴氅緩步花徑或汎舟
池中容與往來聞客笑語就之而飲其好事如此見九國
志吳越備史又續圖經云廣陵王元璩別宅舊與南園相
近據九國志云元璩治蘇南園東莊及諸別第奇卉異

宋名品千萬今其遺迹多在居人之家崇岡清池茂林珍
木或有在者

張卽中國亭張所以刑部郎中直史館致仕居吳中梅聖
俞胡武平皆有詩

張處士溪居見王元之集

蒙園陳之奇所居有歸來醉吟二堂方子通賦詩

隨緣堂郡人黃策所居徽宗御題策自為記沈與求有詩

圓室王著作伯起所居江公望撰記伯起字聖時楊邦弼

序其詩云著作王先生受經於王臨川學文於曾南豐遊

於曾宣靖公父子間諸公且推轂之年未及衰一旦弃去

卜居其門獨處圓室焚香燕坐有詩號唱道野集

靜妙軒承奉卽楊懿儒所居程致道有詩

竹君軒何禕子應所居子應舊居開封今買宅吳下汪彥

章有詩

自覺齋徐

子禮所居曾幾陸游皆賦詩

蓮榭徐兢明

叔所居曾幾田頔

芬隱楚人龔相所居有上梁父子敦亞字養正樞密院編修

讀書堂宋使君晦父所居

靜庵上官

百元之所居王遂為記中有采菊堂董槐為

記

強齋高公高之問所居其慶元年魏華父記

豹隱堂

邵氏園居梅堯臣俱有詩餘未詳

寧極齋在飲馬橋郡人方士姚安世所居安世能詩文亦辨博自號丹元子元祐末往采京師與王定國游自言日

三

接上清諸仙蘇子瞻一見竒斗以為異人口稱其詩有謫

仙風來屢贈以詩或云世作步天歌乃隋唐間人明已上

蔡經宅在縣西北五十步朱明寺西北見吳地記

吳周公瑾宅在雍熙寺西故井猶存按漢建安三年孫策

為瑜治第于吳今犹云周將軍巷宋太尉周虎所居遂改

為武狀元坊

晉王珣宅在日華里今景德寺

晉何準宅在縣西二里捨為般若臺東北有般若橋俗云

朱明寺橋見吳地記

唐張籍故居籍詩云胥門舊宅今誰住

南園祥符圖經云在子城西南有安寧廳思立堂清風錄

等三沿清建浦泉消等皆雲又有榭亭二就樹為檳柱及

迎春亭西池在園廳西有龜首旋螺二亭在池水螺又

有茅亭三茶酒庫易衣院續記云廣陵王帥中吳治南國
醴流為沼積土為山泉嶼峯巖出於巧思錢氏去國此國
不毀祥符中知州秦義葺之以會察吏館使客朝貴皆為
賦詩叅知政事邵人丁謂為序時作景靈宮購求珍石都
中亦於此取貢京師其間臺榭歲久推圯呂濟叔嘗作熙
熙堂厥後守將亦加修飾今所存之亭僅有流楹四照百
北樂豐慈雲海春緹士女遊覽先是長洲令王禹偁常携
客醉飲賦詩云天子優賢是有唐鏡湖恩賜賀知章他年
我若功成後乞與南園作醉鄉大觀朱蔡京罷相欲東還
詔以園賜之京遂作詩云八年帷幄竟何為更賜南園寵
退歸堪笑當年王學士功名永有便吟詩禹偁之作不過
一時寓意至京以富貴自矜而蚩鄙之其淺中狹見賤不
肖之分於此可知矣續志云南園昔甚廣袤異木奇石多

四

為朱跡取進獨一松盤根大不可移而止今府學後一方之地皆故園也猶有清流崇阜可以彷彿昔時之勝比蜀人高氏亦得一隅經營之而流栢出焉因作醉鄉等亭以倣古

張氏園池亦南園故地也紹興間侍郎張幾仲得之今山亭猶扁蕙雲池塘猶扁清連存故實也堂側有陵霞閣奉其父循王塋像四時飾以真服人有水竹道院等處

倉浪亭在府學之南積水弥數十畝傍有小山高下曲折與水相縈帶葉少蘊詩話以為廣陵王錢元璩池館或云其近戚中吳軍節度使孫承佑所作既積土為山因以瀦水慶曆間蘇子美得之傍水作倉浪亭歐陽永叔詩云清風明月本無價可惜只賣四萬錢由此亭名始著子美死屢易主後為章申公家所有廣其故地為大閣又為堂小

上亭北跨水有名洞山章氏併得之既除地於其下皆嵌
空大石人為廣陵王時所箴益以增累其涼兩山相對遂
為一時雄觀續志云申公之子增築小亭甃黃土錢三萬
貫園亭之勝甲於東南葉少蘊又云禹貢滄浪之水滄浪
地名非水名孔氏謂漢水別流在荊州者孟子記孺子之
歌謂滄浪之水可以濯纓者屈原楚辭亦載之正楚人之
辭蘇子美卜居吳下前有積水即吳王條開以為池者作
亭名滄浪意取濯纓然但以滄浪為水非滌之狀下以為
池名則失之矣滄浪犹言嵒冢桐柏也不言水直曰嵒冢
相栢可乎張魏公勤王記云子厚為相日營葺園地所費
不貲罷相即遷貴未嘗安享泊夜還寓嚴州烏龍山寺子
弟輩悉遺歸鄉幹置生事死之日無人在側羣妾分爭金
帛停尸數日為鼠食其一指衢僧法空親見之雲衢談雋

五

云章氏園紹興初韓蘄王提兵過吳意甚欲之章殊不悟
即以隨軍轉運檄之章窘迫亟以為獻其家百口一日散
居韓氏作橋兩山之上名曰飛虹張安國書扁山上有連
理木慶元間犹存今山堂曰寒光傍有臺曰冷風亭又有
翊運堂耿元鼎作記池側有濯纓亭梅亭白瑤華境界竹
亭曰翠玲瓏木犀亭曰清香館其最勝則滄浪亭也

章申公府

韓蘄王府俗稱韓家園並見前

梅都官園在府治西南祝慤野錄聖俞晚年謝事卜築滄
浪之傍正与子美相鄰二公一時名勝曰夕徃還酌酒賦
詩相得甚驩今猶稱其地為梅家園
隱園在靈芝坊樞密直學士蔣堂之居堂兩守蘇在杭州
時業已治第吳中既而告老日與賓客燕會賦詩為樂嘗

自號遂翁園中有岩扁水月庵煙蘿亭風篁亭香廣亭古井貪山等自賦隱圃十二詠宅南溪上結宇十餘柱各溪館及築南湖臺于水中亦皆有詩皇祐五年六月芝草生于溪館知州李仲偃集賓僚賦詩為壽因立靈芝坊朝宿撰溪館記

樂圃在雍熙寺之西宋伯原所居中有高岡清池喬松壽檜此地錢氏號金谷園其父光祿卿始得之伯原營以為圃併自作記鄉人咸尚其名德知州章岵表為樂園坊其居室有樂園堂明雲齋歸隱橋後改蒙齋詠齋遂經堂琴臺灌園亭華嚴庵墨池亭筆溪亭列泉峨冠石鶴室釣渚見山岡西圃草堂西丘十齡檜室幹山茶臨溪檜隔溪竹施柏花鼎足松偃柏方子通有樂園二十詠元厚之程公闕盧仲辛三大老詩列石存焉

浩然堂在閣門之南慶曆間虞部郎中曹瑛將漕兩浙時
所葺蘇子美撰記

紅梅閣在小市橋天聖中殿中丞吳感所居感字應之有

姬曰紅梅因以名閣又作折紅梅詞傳于一時王琪知飲

州應之以此詞寄之末句云有花堪折勸君須折琪答詩

云山花今落何堪折一曲紅梅字有楊元素本事集誤

作詞時之蔣希魯亦有吳殿丞新葺兩園詩有云深瑣烟

光在樓閣旋移春色入門墻其後閣為林少卿家所得

范氏義宅在普濟橋傍雍熙寺之後文正公仲淹之光祿

舊有西齋皇祐初公知杭州始歸吳改西齋為歲寒堂名

齋前二松為君子樹側之閣為松風閣賦詩三章遂廣

其居以聚族人又買常稔田千畝贍之錢君倚為之記由

是宅曰義宅田曰義田因其所儲又曰義莊歲入八百斛